

CENTRALNA BANKA
BOSNE I HERCEGOVINE
Broj: UV-150-01-1-~~2234-15~~ /19 ŽB
Sarajevo, ~~04.09.~~ 2019. godine

Na osnovu člana 70. stav (1) i (3) Zakona o javnim nabavkama (Službeni glasnik BiH, 39/14), člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine i člana 13. stav (2) Pravilnika o javnim nabavkama, broj: UV-122-01-1-11/18 RJ od 30. januara 2018. godine, Upravno vijeće Centralne banke Bosne i Hercegovine na 10. sjednici od 27. augusta 2019. godine, donosi

O D L U K U

o izboru najpovoljnijeg ponuđača u postupku javne nabavke robe – trezorske mašine

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku robe – trezorske mašine, dodjeljuje ponuđaču GIESECKE + DEVRIENT CURRENCY TECHNOLOGY GMBH, Savezna Republika Njemačka.

Član 2.

(1) Ponuda ponuđača iz člana 1. ove odluke, glasi na iznos od

1,934.700,00 EUR

(slovima: miliondevetstotinatridesetčetirihiljadeisedamstotina eura i 00/100)

(2) Zadužuje se Odjeljenje za bankarstvo Centralnog ureda Centralne banke Bosne i Hercegovine da, u skladu s uslovima iz ugovora koji će se zaključiti na osnovu Zakona o javnim nabavkama, izvrši plaćanje dobavljaču.

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke, zaključiti ugovor na period od tri godine, za čije se izvršenje zadužuju: Odjeljenje trezora Centralnog ureda Centralne banke, Centralna banka – Glavna jedinica Sarajevo, Centralna banka – Glavna jedinica Mostar, Glavna banka Republike Srpske Centralne banke BiH i Centralna banka – Filijala Brčko.

Član 4.

Centralna banka će o rezultatima provedenog postupka javne nabavke obavijestiti ponuđače.

Član 5.

Za realizaciju ove odluke zadužuju se Odjeljenje za računovodstvo i finansije i Odjeljenje za javne nabavke Centralnog ureda Centralne banke.

Član 6.

Ova odluka će se objaviti na web stranici Centralne banke www.cbbh.ba, istovremeno s upućivanjem ponuđačima koji su učestvovali u postupku javne nabavke, u skladu s članom 70. stav 6. Zakona o javnim nabavkama („Službeni glasnik BiH“, broj: 39/14).

O b r a z l o ž e n j e

Postupak javne nabavke robe – trezorske mašine, putem otvorenog postupka, pokrenut je Odlukom broj: UV-150-01-1-116/18 SR od 27. decembra 2018. godine.

U skladu s tim, Centralna banka je 2. aprila 2019. godine na portalu Javnih nabavki objavila Obavijest o nabavci broj: 1370-1-1-187/19.

U predviđenom roku za dostavljanje ponuda, blagovremeno su dostavljene dvije ponude, sljedećih ponuđača: GIESECKE + DEVRIENT CURRENCY TECHNOLOGY GMBH, Savezna Republika Njemačka i PROTEKTA d.o.o. Sarajevo.

Komisija nadležna za provođenje postupka javne nabavke je izvršila pregled i ocjenu pristiglih ponuda i ocijenila da je ponuda ponuđača PROTEKTA d.o.o. Sarajevo neprihvatljiva jer je nepotpuna. Ponuđač je, u sklopu svoje ponude dostavio samo Aneks 1 i Aneks 2 tenderske dokumentacije, dok je propustio dostaviti ostale dokumente, tražene tenderskom dokumentacijom.

Komisija je ocijenila da je ponuđač GIESECKE + DEVRIENT CURRENCY TECHNOLOGY GMBH, Savezna Republika Njemačka dostavio sve dokumente tražene tenderskom dokumentacijom.

Tenderskom dokumentacijom je previđeno testiranje trezorskih mašina u testnom periodu radi provjere ispunjavanja tehničkih zahtjeva i karakteristika ponuđene robe.

Testiranje su proveli članovi komisije određeni za testiranje, koji su službenici trezora, te posjeduju potrebno tehničko znanje za provođenje testiranja.

Nakon uspješno provedenog testiranja, komisija je zaključila da ponuđene mašine ispunjavaju sve tehničke zahtjeve i karakteristike tražene tenderskom dokumentacijom.

Zapisnikom o pregledu i ocjeni ponuda, broj: 149-15-4-1466-11/19 i Izvještajem o radu s preporukom, broj: 149-15-4-1466-12/19, oba od 8. augusta 2019. godine, komisija je dala preporuku kao u dispozitivu.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine u roku od deset dana od dana dostavljanja ove odluke.

Predsjedavajući Upravnog vijeća
Centralne banke Bosne i Hercegovine

GUVERNER
dr. Senad Softić



Dostaviti:

- guverneru;
- članovima Upravnog vijeća;
- viceguvernerima;
- Uredu glavnog internog revizora;
- sekretaru Uprave i Upravnog vijeća;
- Odjeljenje trezora;
- Glavna jedinica Sarajevo;
- Glavna jedinica Mostar;
- Glavna banka Republike Srpske Centralne banke BiH;
- Filijala Brčko;
- Odjeljenje za računovodstvo i finansije;
- Odjeljenje za javne nabavke;
- u spis predmeta;